



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-01-30-1-1048/20
Sarajevo, 20. 12. 2022. godine

Na osnovu člana 28. Zakona o državnoj službi u Kantonu Sarajevo (*Službene novine Kantona Sarajevo*, broj: 31/16 i 45/19) i člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19) d o n o s i m

RJEŠENJE

Odbija se kao neosnovan zahtjev za naknadu u slučaju povrede na radu Faruka Hasanspahića, državnog službenika u Kantonalnoj upravi za inspekcijske poslove Kantona Sarajevo, raspoređenog na radnom mjestu kantonalnog tržišno-turističkog inspektora u Inspektoratu tržišno - turističke inspekcije.

Obrazloženje

Faruk Hasanspahić, državni službenik u Kantonalnoj upravi za inspekcijske poslove Kantona Sarajevo, raspoređen na poslovima kantonalnog tržišno-turističkog inspektora u Inspektoratu tržišno - turističke inspekcije, obratio se direktoru sa zahtjevom da mu se isplati naknada za povredu na radu, te je uz zahtjev priložio ovjerene kopije dokumentacije i to: obrazac prijave nesreće/povrede na poslu, Nalaz i mišljenje Kliničnog centra Univerziteta u Sarajevu od 1. 7. 2020. godine, specijalistički nalaz Kliničnog centra Univerziteta u Sarajevu od 1. 7. 2020. godine, nalaz i mišljenje ljekara specijaliste/subspecijaliste od 6. 7. 2020. godine, nalaz Privatne psihijatrijske ordinacije *Kučukalić* od 6. 7. 2020. godine, nalaz i ocjena od 2. 7. 2020. godine.

Medicinska dokumentacija koju je imenovani predao uz zahtjev je upućena Komisiji za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo*, da utvde da li se radi o teškoj bolesti u smislu člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19), te kada je povreda tačno nastala.

Komisija za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo* je Potvrdom broj: 07-1-76/21 od 19. 1. 2021. godine utvrdila da se povreda koja je navedena u dokumentaciji koju je imenovani uz zahtjev priložio ne smatra teškom u smislu odredbe člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19).

Shodno navedenom doneseno je Rješenje broj: 14-01-30-1-1048/20 od 26. 1. 2021. godine kojim se zahtjev Faruka Hasanspahića za naknadu u slučaju teške bolesti odbija kao neosnovan.

Na gore navedeno rješenje imenovani je izjavio žalbu Odboru državne službe za žalbe Federacije Bosne i Hercegovine zbog pogrešno i nepotpuno utvrđenog činjeničnog stanja i pogrešne primjene materijalnog propisa. Odbor državne službe za žalbe Federacije Bosne i Hercegovine je donio Rješenje broj: 01-30-163/21 od 22. 11. 2021. godine, kojim je poništio Rješenje direktora

Kantonalne uprave za inspekcijske poslove Kantona Sarajevo broj: 14-01-30-1-1048/20 od 26. 1. 2021. godine i predmet vratio prvostepenom organu na ponovni postupak. U obrazloženju rješenja Odbora državne službe za žalbe Federacije Bosne i Hercegovine je između ostalog navedeno da prvostepeni organ nije pravilno postupio, jer se u konkretnom slučaju ne radi o teškoj bolesti nego o teškoj povredi na radu, kako to i proizilazi iz dostavljene dokumentacije.

Postupajući po uputama drugostepenog organa, u ponovnom postupku zahtjev imenovanog za naknadu u slučaju teške povrede na radu upućen je Komisiji za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo*, da utvdi da li se radi o teškoj povredi u smislu člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19), te kada je povreda nastala.

Komisija za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo* je Potvrdom broj: 07-1-87/22 od 20. 1. 2022. godine, ustanovila da se povreda koja je navedena u medicinskoj dokumentaciji koju je imenovani uz zahtjev priložio ne smatra teškom u smislu odredbe člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19).

Shodno navedenom doneseno je Rješenje broj: 14-01-30-1-1048/20 od 2. 2. 2022. godine kojim se zahtjev Faruka Hasanspahića za naknadu u slučaju teške bolesti odbija kao neosnovan.

Na navedeno rješenje imenovani je izjavio žalbu Odboru državne službe za žalbe Federacije Bosne i Hercegovine zbog pogrešno i nepotpuno utvrđenog činjeničnog stanja i pogrešne primjene materijalnog propisa. Odbor državne službe za žalbe Federacije Bosne i Hercegovine je donio Rješenje broj: 01-30-135/22 od 30. 11. 2022. godine, kojim je poništio Rješenje direktora Kantonalne uprave za inspekcijske poslove Kantona Sarajevo broj: 14-01-30-1-1048/20 od 2. 2. 2022. godine i predmet vratio prvostepenom organu na ponovni postupak.

U ponovnom postupku, utvrđeno je da je Faruk Hasanspahić direktoru Kantonalne uprave za inspekcijske poslove Kantona Sarajevo dana 17. 12. 2020. godine uputio zahtjev za isplatu naknade za povredu na radu. U zahtjevu navodi da se obraća sa zahtjevom za isplatu naknade za povredu na radu koja se desila 1. 7. 2020. godine, a u skladu sa članom 28. Zakona o državnoj službi u Kantonu Sarajevo (*Službene novine Kantona Sarajevo*, broj: 31/16 i 45/19), a u vezi sa članom 31. Zakona o plaćama i naknadama u organima vlasti Kantona Sarajevo (*Službene novine Kantona Sarajevo*, broj: 5/19), članom 41. Kolektivnog ugovora za državne službenike i namještenike u organima državne službe Kantona Sarajevo (*Službene novine Kantona Sarajevo*, broj 45/19) i člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19).

Članom 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19) propisano je da u slučaju nastanka povrede na radu, teške invalidnosti ili teške bolesti državnog službenika i namještenika, ili člana njegove uže porodice, isplaćuje mu se jednokratna novčana pomoć u skladu sa članom 31. Zakona. Pod teškom bolešću iz stava (1) ovog člana, podrazumijevaju se slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU "Zavod za zdravstvenu zaštitu zaposlenika MUP-a Kantona Sarajevo".

Obzirom da je gore navedenom zakonskom odredbom propisano da se povreda dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU "Zavod za zdravstvenu zaštitu zaposlenika MUP-a Kantona Sarajevo,

prvostepeni organ je i uputio zahtjev Komisiji za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo*, da utvde da li se radi o teškoj povredi u smislu člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19).

Prvostepeni organ ne osporava činjenicu da se povreda Faruka Hasanspahića dogodila na radnom mjestu, da je obrazac potpisan i ovjeren od strane rukovodioca, kao i da je dio koji se odnosi na izvještaj ljekara koji je pregledao povrijeđenog potpisan i ovjeren pečatom doktora medicine te pečatom Javne ustanove Dom zdravlja Kantona Sarajevo, OJ Novo Sarajevo, Služba Opšta primarna zdravstvena zaštita, Centralni objekat.

Međutim, poštivajući član 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19), obrazac prijave nesreće na poslu kao i sva ostala medicinska dokumentacija koju je imenovani uz zahtjev priložio je proslijeđena Komisiji za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo*, da ista utvrdi da li se radi o teškoj povredi u smislu člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19).

Obzirom da je Komisija za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo* ocijenila da se ne radi o teškoj povredi u smislu člana 3. Uredbe o naknadama koje nemaju karakter plaće (*Službene novine Kantona Sarajevo*, broj 17/19), odlučeno je kao u dispozitivu Rješenja.

Pouka o pravnom lijeku: Protiv ovog rješenja može se putem Kantonalne uprave za inspekcijske poslove Kantona Sarajevo izjaviti žalba Odboru državne službe za žalbe Federacije Bosne i Hercegovine u roku od 15 dana od dana prijema Rješenja.

Dostaviti:

1. Imenovanom,
2. SSZP,
3. Kantonalnoj upravi za inspekcijske poslove KS,
4. Arhivi.



V.D. DIREKTORA

Adis Mešić